

Xeev Cov Ntsiab Qauv Kawm

KEV KAWM LUS ASKIV

Qib
K

Qhov kev pab koj txhawb koj tus me nyuam txoj kev kawm

Hauv qib xyaum kawm (kindergarten), cov me nyuam kawm ntawv yuav kawm cov tsiaj ntawv thiab cov yam ntxwv yooj yim ntawm cov tsiaj ntawv thiab lo lus. Lawv yuav cais tej lo lus hais thiab tej lo lus sau los ua cov suab txis thiab cov tsiaj ntawv, thiab txheeb cov suab ntawm txhua tus tsiaj ntawv. Cov kev kawm tseem ceeb no yuav muaj peev xwm ua rau koj tus me nyuam los kawm tau tej lo lus tshiab thiab los nyeem thiab nkag siab tau cov phau ntawv thiab cov dab neeg. Cov me nyuam kawm ntawv kuj yuav xyaum sau thiab sib qhia cov ntsiab lus ntau yam, xws li kev nrag duab, kev sau cov tsiaj ntawv thiab lo lus, kev mloog lwm tus hais thiab kev hais lub suab nrov nrov. Tej yam yuav ua hauv cov kev kawm no yog xws li:

- Hais thiab sau cov tsiaj ntawv tus loj thiab tus me
- Tso cov tsiaj ntawv phim rau cov suab thiab siv lwm txoj kev los xam tej lo lus tsis tau paub dua thaum nyeem thiab sau
- Kawm thiab siv tej lo lus tshiab
- Txheeb tej lo lus sib dhos
- Nyeem tej lo lus nquag siv xws li *the, of, you, are, she*, thiab *my*
- Nug thiab teb cov lus nug hais txog zaj dab neeg tus xib fwb nyeem nrov nrov rau

- Txheeb cov neeg, cov chaw, thiab cov txheej xwm hauv zaj dab neeg
- Cim tus neeg, qhov chaw, yam khoom, los yog lub tswv yim uas qhov kev nrag duab nthuav qhia
- Koom rau cov kev sib tham nthuav tswv yim uas yog mloog thiab sib tos ib tug hais zuj zus
- Siv qhov kev sib txuam ntawm kev nrag duab, kev hais lus, thiab kev sau ntawv los piav qhov txheej xwm, muab cov ntsiab lus txog nqe lus, los yog sib qhia lub tswv yim
- Sib koom nyob rau kev nyeem ntawv, kev sau ntawv, thiab kev tshawb fawb
- Nthuav qhia cov kev xav, cov kev xam pom thiab cov tswv yim meej heev

Hauv qib xyaum kawm, cov me nyuam kawm ntawv yuav nyeem cov dab neeg thiab cov paj huam. Lawv yuav nyeem los kawm txog keeb kwm, lub ntiaj teb, txuj ci (science) thiab lwm yam. Ntawm no yog cov piv txwv ntawm qhov koj tus me nyuam yuav npaj xyaum cov kev nyeem ntawv tseem ceeb nyob rau txhua qib duas kawm.

Kev Nyeem Ntaub Ntawv

Qib Xyaum Kawm Kev Nyeem Ntawv	Qib Ib Kev Nyeem Ntawv	Qib Ob Kev Nyeem Ntawv
Tau kev pab los ntawm tus xib fwb, cov me nyuam kawm ntawv rov qhia dua cov dab neeg, xws li txhua yam tseem ceeb.	Cov me nyuam kawm ntawv rov qhia dua cov dab neeg, xws li txhua yam tseem ceeb, thiab qhia tau tias lawv nkag siab tshooj lus kawm los yog kev ua raug ua txhaum ntawm zaj dab neeg.	Cov me nyuam kawm ntawv rov qhia dua cov dab neeg thiab txiav txim xyuas lawv lub ntsiab lus tseem ceeb, tshooj lus kawm, los yog kev ua raug ua txhaum.
Tau kev pab los ntawm tus xib fwb, cov me nyuam kawm ntawv teev tus sau thiab tus nrag duab nthuav qhia zaj dab neeg thiab piav lub luag hauj lwm ntawm txhua tus los qhia zaj dab neeg.	Cov me nyuam kawm ntawv txheeb seb tus neeg twg qhia zaj dab neeg nyob rau ncuu twg hauv phau ntawv nyeem.	Cov me nyuam kawm ntawv paub qhov sib txawv hauv tej kev xam pom ntawm cov neeg hauv zaj lus, xws li kev hais lub suab sib txawv rau txhua tus neeg hauv zaj lus thaum nyeem zaj lus sib tham nrov nrov.

Kev Nyeem Kom Paub Cov Ntsiab Lus

Qib Xyaum Kawm Kev Nyeem Ntawv	Qib Ib Kev Nyeem Ntawv	Qib Ob Kev Nyeem Ntawv
Tau kev pab los ntawm tus xib fwb, cov me nyuam kawm ntawv nug thiab teb cov lus nug hais txog txhua yam tseem ceeb hauv phau ntawv nyeem.	Cov me nyuam kawm ntawv nug thiab teb cov lus nug hais txog txhua yam tseem ceeb hauv phau ntawv nyeem.	Cov me nyuam kawm ntawv nug thiab teb cov lus nug xws li <i>who, what, where, when, why</i> , thiab <i>how</i> los nthuav qhia qhov kev nkag siab ntawm txhua yam tseem ceeb hauv phau ntawv nyeem.
Tau kev pab los ntawm tus xib fwb, cov me nyuam kawm ntawv txheeb tej yam daim duab qhia txog tus neeg, qhov chaw, yam khoom, los yog lub tswv yim.	Cov me nyuam kawm ntawv siv cov kev nrag duab nthuav qhia thiab txhua yam hauv phau ntawv nyeem los piav cov tswv yim tseem ceeb.	Cov me nyuam kawm ntawv piav qhov cov duab los yog cov kev nrag duab nthuav qhia tseem ceeb (xws li qhov ib lub tshuab ua hauj lwm).

Kev Sau Ntawv

Cov kev sau ntawv hauv qib xyauwm kawm yuav muaj xws li cov kev sau ntawv luv luv uas qhia tau ib zaj dab neeg. Ntawm no yog ob peb qhov piv txwv ntawm qhov koj tus me nyuam yuav npaj cov kev xyauwm sau ntawv tseem ceeb nyob rau txhua qib duas kawm.

Qib Xyauwm Kawm Kev Sau Ntawv	Qib Ib Kev Sau Ntawv	Qib Ob Kev Sau Ntawv
Siv qhov kev sib txuam ntawm kev nrag duab, kev hais rau sau, thiab kev sau ntawv, cov me nyuam kawm ntawv teev tej yam lawv sau txog thiab muab qee yam ntsiab lus hais txog nqe lus.	Cov me nyuam kawm ntawv teev nqe lus thiab muab qee yam ntsiab lus hais txog nqe lus.	Cov me nyuam kawm ntawv taw qhia nqe lus, thiab siv cov ntsiab lus thiab cov ntsiab lus txhais los npaj cov lus sau.
	Cov me nyuam kawm ntawv muab qee yam hais txog nqe lus xaus.	Cov me nyuam kawm ntawv muab ib nqe lus los yog ib tshooj lus xaus.

Pab Koj Tus Me Nyuam Kawm Thaum Nyob Sab Nrauv Ntawm Lub Tsev Kawm Ntawv

1. Nyeem rau koj tus me nyuam thiab kom nws nyeem rau koj txhua hnuv tsawg kawg li 15 feeb. Muab tej lo lus tshiab los yog tej lo lus muaj ntau lub ntsiab los yog lub ntsiab cov nyom rau koj tus me nyuam. Sib tham cov lus ntawd thiab tham qhov nws muab ntxiv rau tej yam tus neeg sau hais tseg.
2. Hais kom koj tus me nyuam rov qhia dua zaj dab neeg ua nws lus piav uas yog qhia qhov xub tshwm sim, qhov thib ob, thib peb, thiab ntxiv mus.
3. Hais kom koj tus me nyuam los xav rau tej yam ntsiab lus ntawm zaj dab neeg seb yuav yog li cas, los yog tej yam nws kawm tau los ntawm phau ntawv los yog zaj lus sau (articles).
4. Saib raws cov tsam thawj nyob rau qhov txhia chaw txhua hnuv los npaj koj tus me nyuam cov lus.
5. Pab koj tus me nyuam mus ua ib daim pib qiv ntawv (library card) tom tsev saib ntawv. Ntau lub tsev saib ntawv muaj cov koom nyeem ntawv ua ke (book clubs) thiab tej yam rau tsev neeg (family activities) uas ua rau kev nyeem ntawv lom zem.
6. Siv cov websites los nyeem tej phau ntawv los yog tej zaj lus sau nyob online. Cov tsev saib ntawv kuj muaj computers uas cov me nyuam kawm ntawv muaj cuab kav yuav siv tau.

Koom Tes Nrog Koj Tus Me Nyuam Tus Xib Fwb

Muab lus nug rau koj tus me nyuam tus xib fwb, xws li:

- Kuv tus me nyuam puas xyauwm nyeem ntawv thiab sau ntawv?
- Kuv tus me nyuam qhov ua tau zoo thiab qhov ua tsi tau yog dab tsi?
- Kuv muaj cuab kav yuav ua li cas tom tsev los xyuas mee kom kuv tus me nyuam kawm tau?

Yog xav paub ntxiv txog Xeev Cov Ntsiab Qauv Kawm Lus Askiv mus rau hauv <http://www.corestandards.org/ELA-Literacy> los yog <http://www.commoncoreworks.org>.

Adapted from Parent Roadmaps to the Common Core State Standards, Council of Great City Schools, www.cgcs.org